

DECLARA-  
TIO TABVLAE TRIVM  
methodorum Theologiae  
M. Fla, Illyr.

PAVLVS OMNINO VULT DOCTOREM EC-  
clesiae esse bonum dialecticum. Nam 1. Tim. 1. vult eum  
intelligere singulas uoces aut res, subiectum & prædicat-  
um, atq; ita naturam propositionum, ut sciat & attendat  
cum de quo loquatur, cum quid de eo dicat. 2. Tim. 2. vult  
eum esse aptum ad recte diuidendum. Tit. 1. vult esse ido-  
neum ad argumentandum & refellendum. 1. Tim. 3. vult  
esse ad docendum promptum, & denique ut orationis  
ordine agat, præsertim uero doceat, quia Dea-  
us est ordinis, non Confusionis in rerum  
natura autor. 1. Cor. 14.



## ANC tabulam studiosis

Theologie nulla certe ostentatione ingenij, aut stulta curiositate proponere volui. Sed propter multa eaq; non vulgaria commoda, quæ mox recenzebo. Quoniam vero hæ breves delineationes necessario obscuræ sunt, tum quia singulis vocibus ueluti punctis res magnæ & difficiles in eis notantur, tū quia etiā ipsa methodoru nomina ac series sūt plerique ignotiores: ideo breuem quoq; declaratione illarū studio publici boni adiiciemus, quæ ipas, earūq; lineamenta ac consensu lectoribus illustrent, ne uel odio habean non intellecta uel sine omnifructu ea admiretur, inaniterq; solos oculos pascant. Primum uero de fructibus, commodisue huius delineationis dicamus, quæna inde ad eos, qui diligenter hac perspexerint, sint peruentura.

I. Utilitates igitur huius tabellæ sunt multæ & eximæ. Primum enim tota idæa attis simul conspecta & animo comprehensâ iuuat intellectum, in cogitando, dicendo & scribendo, dum is cernit, quomodo singulæ partes tum inter se cohærent, tum etiā totum corpus constituent, seu qua harmonia alii consonent. Vbi sit principium, medium ac finis. Non enim in singularū tantum partium

partium peruestigatione uera rei cognitio consistit, sed etiam in totius concinna conformatione ac conciliatione, imo ne intellegi quidem singulæ partes possunt, nisi cum alijs precedentibus ac sequentibus cogitatione, iudicioq; contocientur ac comparentur, et quid cū illis cognationis, coniunctio nisue habeant, quomodo inde dependeant, aptæ ue sint, quid alijs adminiculi conferant, aut inde accipient, diligenter considerentur.

Erit quoq; pijs magna uoluptas eauarijs formis semel sibi ante oculos ita proponi, ut quasi uno intuitu cerni possint, quæ tam multis alijs uoluminibus comprehenduntur, & tam longo tempore sibi sunt discenda.

II. Secundo illa dispositio, ordo atq; conexio partium etiam memoriam plurimum adiuuat, siue nobis ipsis retinere siue alijs ponere res utiles debemus: Sicut contra ei confusio uel maxime obest, quod citra meam admonitionem omnibus est notissimum.

III. Tertio hæc concinna harmonia testatur de certitudine huius scientiæ, dum prima initia causæ, media ac fines aptissime inter se se consonant. Nam errores aut deliria hominum sunt foedum quoddam chaos, quod uel non facile potest in alijs tolerabile formam redigi, uel si redigatur, propalam monstrositate & inconcinnitate sua fallitatem testatur, ac uelut in Chymera, non respondent uel media, uel etiam ultima primis.

**III.** Quarto hæc multiplex Spiritualis harmonia aut concentus pariet omnibus bonis ac pījs ingenij multo maiorem uoluptatē, si modo eam diligenter obseruent et expendat quā ista corporēa, quæ fugaci uoluptate aures demulceret. Gaudebunt enim pīj hanc omnium scientiarum architectonicā agt rectitudinem non minus quam alias scientias certo decentijs ordine constare. Cernent & ipsum rerum omnium creatorem Dominum, hic quoq; sicut ubiq; non confusionis, sed ordinis autorem, effectoremq; esse, qui omnia in numero, pondere ac mensura fecit & aū

γεωμετρεῖ.

**V.** Deniq; tanto magis fugient sanæ mentes fanaticorum dogmatum Confusiones, quorum monstrorum corpus sibimet undiq; contradicens, aut certe non constans, ut illud Horatianum est, ultro autorem suum, illum omnium confusionum patrem Satanam confitebitur ac Contestabitur.

Expositis usibus huius tabellæ, iam ad declarationem ipsius progrediamur, Quæ non adeo erit difficultas modo lector medium attentionem adhibeat, & hanc explicationem cum ipsis delineationibus accurate cōferat, & quo singula pertineant, obseruet.

Tres sunt præcipuae methodi aut ordinatæ, compendiariæq; uix, per quas artes trāduntur, Synthesis, Analysis, & definitiua.

Theolo-

Theologia per Synthesis commodissime traditur, sicut & Grammatica, Dialectica, Geometria. Tametsi & per alias tradi queat, sicut nos eam in omnibus tribus ordinibus in hac tabella delineauimus. Posui uero syntheticā tanquam huic materiæ maxime priam primo loco, Secundo analyticam, tertio definitiua.

Prima tabella progreeditur, uti communis Scriptio aut lectio dextrosum, Secunda retro aut sinistrorum, ut hebræa Scriptio ac Lectio, Postrema a superiori dæorsum tendit. Sed iam singulas methodos ac delineationes ordine exponamus.

## DE PRIMA AVT SYNTHE- tica methodo.

Et uero Synthesis ea methodus aut ordinatio, quæ incipit à primis & implicissimis elementis, principijs aut causis, eaque componendo eosq; progrereditur, donec tandem totum corpus extruat, & ad certum finem, metamue desideratam perueniat. Ut Grammatica ab elementis literarum incipiens componendo illa, primum efficit syllabas, ex illis deinde uoces, inde tertio sententias, ex quibus quarto integras disputationes, ac postremo inde conficit plena uolumina, opera, actiones, processus, ac similia, quibus tota res proposita perfecte exponatur.

A ij

Sic

Sic igitur & Theologiae simplicissimum elementum est primum ipse Deus, unus & trinus, qui est omnium principium, prima causa aut motor, ut in tabella delineauimus. Is est unica causa aut fons omnis boni. Deinde is creat mundum & rationales Creaturas; Angelos & homines, quod est secundum Theologiae elementum. Nam ex horum dorum elementorum, creatoris felicitate & creaturæ compositione, commercio atque combinacione totum Theologiae corpus constituitur.

Postea iustus Deus illis indit & proponit iustum legem obedientiae, quæ est quasi secunda compositio aut combinatio creatoris & creaturarum: Etsi autem hoc quoque in ipsa creatione factum est, tamen separatim est expendendum.

Tertio, angelorum pars ruat inobedientia erga Deum & fiunt Satanæ (unde fons omnis mali in rerum natura extitit) eorumque impulsu ac suo libero arbitrio etiam hominibus habitur contra Deum, legem eius violans: Et contra iustus Deus eum morti ac inferis addicit, quæ est tertia compositio Dei & hominis.

Quarto, hinc noua compositio existit, quod ex lapsu hominis eius corruptio, uaria peccata, Seruitus Satanæ, & tetra confusio hominis, eius actionum & rerum ipsarum in quibus

quibus uersatur, prouenit: Et contra ex iusta & lege Dei violata oritur eius ira, uaria poenæ & calamitates temporarie & æternæ, quæ duplicita mala culpæ ac poenæ quasi correlativa sibi inuicem obuiam eunt, & ueluti consociantur; Seu sunt illæ tristissimæ merces, quæ inter Deum & homines commurantur:

Quinta coniunctio est, quod iustus Deus nihilominus urget hominem sua lege & flagitat obedientiam ac poenas, tum nostræ conscientiæ chirographo, seu lege naturæ, tum lege vocali & scripta in nouâ pænæfactione: Tum denique concione mirabilium prodigiorum ac calamitatum, quibus hominem flagellat, eum debiti ac iræ suæ admones. Qua severa Dei exactione, minis & legis concione pars hominum induratur, & si eut Satan Deum contemnit: pars conuicta, iustum damnationem agnoscens ac deplorans, ueluti in inferno confracta & contrita, obrutaque moerore ac desperatione iacet.

Sexta compositio, Deus diligens mundum, donat ei suum filium. Et ille uicissim nomine humani generis offert ac sacrificatus Patri mediatorem & satisfactorem probobis, humiliat se, fit homo, & denique obediendo ac patiendo, Deo, eiusque iusticiæ ac uolata legi pro homine abundatissime satis facit, & legem largissime implet, peccatum

expiat, Deum humano generi placat, eique  
cum alia ingentia bona, tum & uitam æter-  
nam imperat.

Septima compositio est, quod Deus  
hæc tanta beneficia, præsertim autem satis-  
factionem aut obedientiam Filij sui, quæ  
est iustitia nostra imputativa, generi huma-  
no per Euangelium & Sacra menta annun-  
ciat & offert, idque contriti fide accipiunt.

Ex qua collatione sequuntur porro hæc  
primorum elementorum, Dei & credentis  
hominis compositiones, iustificatio, seu iusti-  
ciae, obedientiae, aut satisfactionis Christi im-  
putatio, donatio Spiritus Sancti, renouatio,  
invocatio & alij fructus ac opera Spiritus,  
crux, resuscitatio & Iudicium humani gene-  
ris, piorum glorificatio, & gloria Dei. Qui  
ultimi fines Theologiae sunt. Ad quos illa hoc  
modo per Synthesin à primis elementis, cau-  
sis aut fontibus progreditur.

Nec mirum est, sacras literas historicæ  
trade Nam & methodus utriusque est Synthe-  
tica, & pleraque sunt in eis historicæ, aut res  
gestæ. Ut, Creatio, lapsus, Legislatio, pro-  
missionis datio, doctrinæ ac Sacramen-  
tarum, totiusque Religionis constitutio, homi-  
num uocatio, incarnationis, passio, resuscitatio,  
& extremum iudicium. Quæ per synthesis  
commodissime, suoque naturali ordine expo-  
nuntur.

Omnibus

Omnibus autem hisce coniunctioni-  
bus loci, qui ibi tractantur, ueluti tituli qui-  
dam in tabella super scripti sunt, ut intuenti  
apparet.

Sunt porro in omnibus hisce composi-  
tionibus Dei ac hominis, ueluti quidam con-  
tractus, mutua officia, aut rerum cōmuni-  
cationes, in quibus alias Deus homini, alias  
contra homo Deo, aut etiam uterque alteri ali-  
quid boni, maliue dat, exhibet, aut offert.

Nam primum Deus dat toti rerum crea-  
turæ ipsum esse, seu mundum creat.

Deinde dat homini legem naturæ eum  
ad imaginem suam formans, & simul etiam  
externam legem eidem proponens de uerita  
arbore, & homo uicissim Deum agnoscit, ac  
ueluti uiua quadam imagine, aut purissimo  
speculo diuinæ faciei lucem refringente &  
referente, eum representat ac honorat.

Tertio ac quarto, homo Deo facit iniu-  
tiā sua inobedientia, & Dei imaginem for-  
de corruptens, aut potius abiiciens, & con-  
tra Satanæ horrendam larvam induens, fit  
Dei hostis, & Satanæ mancipium. Vnde por-  
ro uaria peccata oriuntur: Et contra Deus  
homini, ut ita loquar, dat iram, mortem, &  
alias tristissimas calamitates.

Quinto, Deus nihilominus dat homini  
legem minasque atroces proponit, urgens  
eum flagitando obedientiam, eumque iniusti-

A v

cia

ciae conuictum horrendis comminationibus  
perterrefacit & conterit.

Sexto, Deus largitur Filium suum mundo  
aut humano generi, ipse etiam uicissim mun-  
di nomine Patri sese offert, ut expiat no-  
stram iniusticiam, legi ac iusticiae Dei satis-  
faciat, nobiscp̄ Deum placet, tollat pecca-  
tum & mortem, restituta iusticia & uita, si c̄p̄  
noster perpetuus apud Deum Sacerdos qui  
pro nobis perpetuo Patrem oret & inter-  
pellet merito & precibus.

Septimo, Deus dat homini promissio-  
nes in uerbo & Sacramentis de hisce Chri-  
sti beneficijs, Et contra homo ~~beati~~ dicitur  
dat aut tribuit fidem Deo, credens eius pro-  
missionibus.

Octavo Deus dat aut imputat homini  
iusticiam aut meritum Filii sui, tribuit ei  
pacem cordis seu bonam conscientiam, Do-  
nat item Spiritum Sanctum & renouati-  
onem aut reformationem, seu nouum co-  
eumque ad bona opera condit.

Nono homo instauratus, Deo offerit  
nouam obedientiam, amorem, timorem,  
gratitudinem, celebrationem, & alia bona  
opera, totamq; hostiam uiuentem. Sicq; in-  
star Lunæ à Sole illuminatae acceptam co-  
litus lucem reflectit in Deum, & homines,  
glorificando Patrem cœlestem, & iuuando  
proximi.

Decimo Deus homini mortuo dat ui-  
tam eumue resuscitat, & plene restaurat ad  
suam imaginem, eum iudicat, ac uita & glo-  
ria æterna ornat.

Postremo homines resuscitati Deo dant  
gloriam in perpetuum: Impij quidem cum  
Diabolis inuiti, gementes & eiulantibus: Pi-  
j uero cum sanctis Angelis uolentes ac loeti,  
Te Deum laudamus concinunt.

Sic Synthetica Theologia methodus  
(quæ ei maxime propria est) incipit à Deo  
tanquam simplicissimo Elemento, prima  
causa aut motore, eumque varie cum homi-  
ne componendo progreditur, donec ad ulti-  
mū finem, id est, ad eundem Deū perueniat,  
iuxta illud Rom. ii Ex quo, per quem, & in  
quem omnia: Quæ est breuissima & Synthe-  
tica Theologia summa. Nam EX Deo cum  
alía omnia sunt, tum in primis homo ad eius  
imaginem conditus: PER ipsum omnia bo-  
na hunc, præsertim in Religione & rebus  
Spiritualibus, & deniq; IN eum tanquam  
ultimum finem, summumque bonum homo  
tendit, in eoque desinit & acquiescit. Et sic  
Deus tandem est, eritque omnia in omni-  
bus, cui gloria & honos in sæcula. Amen.

Secundum hanc methodum progre-  
ditur (quod ad totum corpus attinet) Ca-  
techeses, institutiones, Loci, & omnino ple-  
raque doctrinæ huius cōpendia. Est n.ei, ut  
dictum

dictum est, commodissima. Nam semper pō  
steriora sua natura & etiam nunc serie, ex  
prioribus oriuntur, depēdent ac intelligūtur

## DE SECUNDA AVT ANALY tica methodo.

**M**ethodus analjtica prorsus contrari  
um cursum & ordinem Synthesi res  
net. Inde hæc incipit, ubi illa defit, &  
contra ibi definit, ubi illa incœperat. Nam  
ab ultimo fine aut opere cuiusluis artis, scien  
tiae incipiens, retro per causas aut media  
& omnino per antecedentia ad prima initia  
aut fontes regreditur.

Licet igitur Theologia commodissime  
per Synthelin tradatur, tamen & analyticam  
methodum aliquo modo recipere posset, ut  
adiuncta tabula testatur. Finis. n. Theolo  
giae, de quo nos miseri homines maxime an  
gimur, est VITA æterna, sicut ille ex Chri  
sto querit, Domine quid faciens VITAM  
æternam possidebo. Hic quidem finis bono  
rum aut beatitudi nobis pene natura notus  
est. Sed de causis, medijs, aut ijs eo ducenti  
bus precipua est questio. Alius. n. alias  
monstrat, alius agnum Dei, alius lupum Sa  
tanæ etc.

Proximæ tamet eius causæ, aut, ut ita  
dicā, accessus adhuc nonnihil notiores sunt.  
Nemo enim ferme dubitat, quin proxime  
causa

causæ uitæ sint, Dei fauor & nostra perfecta  
iusticia. Verum horum fœlix est, qui potuit  
cognoscere ac tenere causas. Sunt autem  
proximæ hæc quatuor, i. propitiator, qui SO  
LA hæc bona, i. Iustitiam & gratiam Dei  
nobis obediendo & patiendo parat. 2. Pro  
missio in uerbo & Sacramento, quæ SO  
LA ea offert, 3. Fides, quæ SOLA accipit,  
4. Contritio, quæ est quiddam, quod ne  
cessario fidem præcedit.

Contritionis causa est cognitio peccati  
ac iræ, Eius autem Lex, cuius postremo De  
us. Fidei causa est uerbum, Sacra menta &  
Spir. quæ sunt à Deo. Promissio est per uer  
bum & Sacra menta, quæ itidem sunt à  
Deo. Christus hæc bona nobis comparans,  
est nobis à Deo donatus, Sed ipsa bona no  
bis contingunt ex eius merito & applicatio  
ne. Meriti causa est exinanitio, obedientia &  
passio Christi. Quæ porro Christi solutio fit  
ob debitum aut violationem Legis ac iusti  
tiae Dei. Debitum autem oritur ex multi  
plici peccato, quod profluit ex primo lapsu:  
Qui est ex Adamo, & sua quadam ratione  
ex mandato prohibite arboris: Quorum  
utriusque Deus est autor.

Sic Analysis Theologie ab ultimo  
eius fine aut scopo, i. a VITA æterna, per  
proximas causas, causarumque causas ad re  
motiores, & tandem ad primos fontes, atq;  
adeg

adeo ad ipsum Deum, qui primus ac supremus veritatis fons auctor<sup>q</sup> est, omnia resoluendo ac peruestigando regreditur, ut in hac secunda methodo in tabella ante oculos delineatum est.

Per hunc ordinem, Postillæ, & expositiones Sacratum literarum, que quidem ueræ ac mere expositiones textus sunt, & non in Institutiones degenerant, magna ex parte tractantur. Sic enim integræ disputationes aut Scripta resoluuntur. Refutationes etiam Scriptorum hanc ferme methodum sequuntur.

Licet autem hac methodo Theologæ corpus commode compræhendi ac tradi non possit, quod prius sunt in ea exponenda posteriora natura, quam priora, cum tamen illorum noticia ex horum expositione dependeat: Utile tamen fuerit & hanc delineationem contemplari, quod cum incipiat ab ijs, que nobis sunt priora seu magis necessaria, magisque nota, cernimus hic, quænam sint ei proximæ causæ aut media, per quæ ad id peruenire queamus, de quo maxime angimur ac querere solemus. Semper enim cognita re necessaria aut fine aliquo, de eius proximis causis aut modo parandi querimus, quas cum audiuimus, querimus ulterius; & de illarum causarum causis: Atq; ita semper retrogradimur, donec tandem ad aliqua

aliqua certa initia perueniamus, unde actionem, conatumq; nostrum ordimur ac prægredimur, ad desideratum scopū festinantes.

## DE METHODO DEFINITIONIÆ.

Definitiua porro methodus solet primum definitionem proponere, que summam totius artis, eiusque precipua capita ita complectatur, ut dum eius singulæ uoces aut res exponuntur definitione, diuisione, aut causarum, connexorumue coïmonstratione, tota ars simul comprehendatur ac explicetur. Qui ordo magis artificialis quam naturalis est. Proposui igitur in hac tertia delineatione primum definitionem Theologiae, quod sit doctrina coelestis, seu coelitus allata, de Deo & eius uoluntate. Deinde explicò uocem doctrinæ uaria subdiuisione, ita tamen ut præcipue legem, eiusque officium declarem. Postea uocem Deus personarum distinctione ac officiorum expositione, ubi tamen præcipue filius, eius incarnatio, ac tota mediatio declaratur. Postremo vox uoluntas exponitur, in qua potissimum Evangelica uoluntas aut misericordia Dei illustratur. Commode uero cadit quod regnum peccati ac gratiarum debitum hominis ac per solutio Christi, quasi parallela sibi inuicem in una tabellæ margine coincidunt; Illis enim inter

Inter se connexis nostra conditio ac Salutis  
mysterium compræhenditur.

Hæ tres methodi ac delineationes Theo-  
logiæ bono a me studio propositæ, haud du-  
bie in meliorem partem a candidis, pijsque  
hominibus accipientur, nec uulgares usus ijs,  
qui eas perpenderint, afferent. Nam ut ea,  
quæ supra de utilitatibus dicta sunt non re-  
petā, nō potest dici, quantum lucis iudicio in  
cogitando, dicendo ac scribendo afferat,  
quantoque sit plenior ac solidior cognitio,  
si quis totius artis idæam bene animo com-  
prehensam habeat, nouerit ubi principium,  
medium, aut finis sit, & omnino singularum  
inter sece partium, ac cum toto harmoniam  
pernoscat. Verum de methodis in quodam  
libello titulo Paralipomena Dial. diligenti-  
us disputatum est, quem, qui hanc materiam  
plenus cognoscere uolent, legant.

Quod si quæ hic obscurius, breuius,  
aut etiam rudijs dicta, propositaue sunt,  
spes est exoriturum, qui ea meliori ordine ac  
perspicuitate exponat. Forte & aliarū scien-  
tiarum, ac præfertim facultatum eruditis oc-  
casio dabitur, ut & illi suarum professionum  
typos studiosæ iuuentuti proponant. Deus  
autem causa & fons omnis boni tueatur cum  
alias iam suo ingenti beneficio illustratas  
scientias, tum & in primis hanc supremam  
contra Satanam & omnes corruptores ac se-  
ductores: Amen.

FINIS.